



«Bio Betschla» ed artists indigens

En las vitrinas da la butia «Bio Betschla» exponan artists indigens lur ovras, actual Sabrina Vögli.

9



2018 schein nus ora cups!

Engraziel che nus astgein suenter 25 onns aunc adina quintar cun Vus. Tut bien!



südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch



Marie Louise Werth ei ida sin turnea da Nadal cul dirigent Corsin Tuor ed in orchester cun 19 musicistas e musicists da professiun.

MAD

Werth e Tuor sin turnea da Nadal

■ (anr/hh) Damai ch'ils Furbaz han decidu da far pausa ei la cantadura Marie Louise Werth serenida sin ina pintga turnea da Nadal cul dirigent Corsin Tuor. Ensem cun els ei la formaziun «The Mountain Christmas Big Band & Brass Ensemble» stada d'udir el program cul tetel «Merry Christmas». Stada d'udir als quater concerts ei musica d'ad-

vent e da Nadal en plirs lungatgs, denter auter era per romontsch, il lungatg-mumma dalla cantadura e musicista oriunda da Mustér. Secapescha ch'ils tocs legendars dils Furbaz han era buca muncau. Els mieds da massa dalla Bassa han ils concerts cattau in bien resun.

> PAGINA 5

Ell'Asia, amiez 600 000 fugitivs

Marlies Vincenz da Vella va per quater jamnas a Cox's Bazar a Bangladesh

DAD AUGUSTIN BEELI / ANR

■ Cuort avon Nadal e sur las fiastas ha Marlies Vincenz da Vella giu da sepreparar per ina missiun delicata. Ils 2 da schaner va ella per la Crusch cotschna svizra per quater jamnas sco spindrer en in camp nua che 600 000 fugitivs spetgan.

«Spitgar aschi gitg ei il mender», gi Marlies Vincenz. La dunna da Vella fa part dil pool dalla Crusch cotschna svizra. Ils 2 da schaner 2018 parta la mumma da quater affons carschi per la proxima missiun. Avon Nadal haveva ella retschert in telefon da Berna sch'ella savessi surprendre in engaschi. Ei mondi per ina missiun da quater jamnas el camp da fugitivs Cox's Bazar a Bangladesh. Ella ha dau plaid. Dapi ch'ella ha finiu la scolaziun speciala sco commembra d'ina equipa internaziunala pigl agid humanitar medicinal eis ella stada en divers loghens, treis gadas a Haiti, lu a Camerun, a Nepal e Pakistan. Mintga missiun ch'ella ha absolvii ei stada autra. Zaco ein tuttas denton da cumparegljar cun in survesch militar pascheivel. Ins sto



600 000 carstgauns silla fuigia – aschi biars sco ils marcaus da Turitg e Basilea han habitonts – ein pil mument a Cox's Bazar. Per la Crusch cotschna svizra va Marlies Vincenz tier els.

MAD

emblidar tut il privat, esser prompts da luvrar gi e notg e da s'integrar en ina squadra internaziunala. Cu Vincenz parta ils 2 da schaner

2018 en direcziun ost sa ella tgei che spetga. «Il sac da durmir ei la suletta sfera privata ch'ei dat», sa ella. Cox's Bazar ei buc in camp

d'uiara, mobein in camp cun 600 000 carstgauns scatschai.

> PAGINA 5



Ils giuvenils han delectau lur hosps cun cant e musica.

FOTO C. CADUFF

Scolars e cussadents digl Argo han festivau

■ (cp) Venderdis vargau han ils scolars dalla secunda superiura dallas vischnaucas da Falera, Sagogn, Schluein, Laax e lur scolasta Patricia Cadruvi envidau ils cussadents digl Argo da Glion per far communablaimein Nadal. Duront las lezziuns da religiun ha la catecheta Karin Last priu atras il tema «carstgauns cun impediments» culs scolars. La malsegirezia dall'entschatta ei stada svanida

cura ch'ils hosps digl Argo ein arrivai vendergis vargau a Laax. Ils scolars ch'eran repartgi sin tuttas meisas han beinspert anflau il contact ed ei ha regiu ina atmosfera zun cordiala ed emperneivla. Il punct culminont ei staus alla fin: tuts ein seradunai entuorn il pigniel da Nadal ed han cantau la canzun «Clara notg» cun grond anim.

> PAGINA 7

Rega è stada dumandada sur las Festas

■ (cp) En quatter dis è la Rega sgulada 180 giadas. En trais quarts dals cas han els stui sglar sportists d'enviern blessads. Dumbra ha la Rega tut ils cas a partir dals 23 da december en fin son Stefan. En trais quarts dals cas èn sportists stads da spender. Il pli savens han els stui sglar a Mollis (GL), en Grischun e la Part sura bernaisa. Tschintg giadas han ils pilots da la Rega fatg diever da la lubientscha speziala da l'Uffizi federal per l'aviatica che vala dapi la sonda. Tenor la comunicaziun haja la Rega pudì sglar sin la piazza aviatica dad Emmen sulet cun duvra il instrumens per pudair sglar tras ils nivels. Sut quels han els lura pudì sglar tar l'ospital chantunala a Lucerna. Senza lubientscha èn sgols cun instrumens stads scumandads ad Emmen suenter las 17.00 e durant fins d'emna. In dals pazients pertutgads saja stà in um che haja gi in accident durant ir a sfunsar la notg. El ha stui vegnir sgulà da Lucerna per pudair ir en ina chombra da squitsch da l'ospital da l'università a Geneva.

> PAGINA 3


Descret il temps vargau

Simon Derungs ha perscrutau la historia da Surcasti e Suraua

DA MARTIN CABALZAR

■ En ina publicaziun da rodund 250 paginas ha igl archivar Simon Derungs resumau la historia da siu vitg natal da Surcasti includend era in sguard sils vitgs vischinonts da Suraua. Sco quei ch'igl autur Simon Derungs scriva en sia introducziun schai il pign vitg puril da Surcasti sco ina mesinla sin ina costa sullegliva denter il Rein da Val ed il Rein da Vrin en amiez la Lumnezia. E sco igl autur sincerescha ha quei bi vitget cun sia sempla e biela structura e cun l'imposanta tuor e la baselgia da s. Luregn ch'èin postadas orasum in ault grep sur la sbuccada dils dus Reins el Glion fascinau el. Quei interess seigi aunc carschius survegnd sco archivar communal e circuitual, president communal e dalla pleiv investa els documents ufficials da pleiv e vischnaunca. Sia intenziun seigi buca stau da scriver in'ovra scientifica, anzi, semplamein desriver ed aschia clamar en memoria ils temps vargai. Quei ei daveras reussiu agl autur a moda excellenta.

Da temps vargai La historia da Surcasti / Suraua



da Simon Derungs

L'imposanta tuor romana da s. Luregn fa parada sil frontispezi.

MAD



40052



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch